

終獻

重稱法位

具位臣未與臨壇官眾等謹同誠上啓
 三清上聖十極玄尊圓穹之帝后仙真方域
 之曹僚主執隸筵內外一切威靈臣聞事天
 以寶幸圓真獻之儀饗帝必誠嘉賴監觀之
 造以今投醪情罄設醴忱殫璧月玲瓏覺雲
 杓之欲下珠星璀璨恍宵漏之將中諸天復
 位於紫虛十極回光於碧漢雲龍俯遠月躬
 高征臣等控挽無從瞻戀徒切下情不勝皈
 休翹頓之至謹稽首再拜奉送

存神燒香

香官使者左右龍虎二君侍香諸靈官當令
 臣設醮行道之所自然生金液丹碧芝英百
 靈眾具交會在此香火爐前臣學道得道
 求仙得仙臣焚感消滅民物安全十方仙童玉
 女侍衛蘭煙傳臣向來所啓連達徑御
 太上無極大道至真玉皇上帝御前

回新頌

焚燎

靈寶領教濟度金書卷之二百五十四

正一天師清微弟子 洪百堅 製作

道教學術資訊網站

靈寶領教濟度金書卷之二百五十五 恭

洞微高士開光救苦真人竊全真授

靈寶通玄弘教水南先生林靈真編

科儀立成品禮樂

火部設醮儀

步虛 燒香頌

各禮師存念如法

宣衛靈咒

五星列照 煥明五方 水星却災 木德致昌
 榮感消禍 太白辟兵 鎮星四據 家國利亨
 名利玉簡 宇錄常房 乘廳散景 飛騰太空
 出入冥無 遊宴十方 五雲浮蓋 招神攝風
 役使萬靈 上衛仙翁和與道合真

鳴法鼓二十四通

无上三天玄元始三炁太上道君召出臣身
 中三五功曹左右官使者侍香金童傳言玉
 女五帝直符直日香官各三十二人出出者
 嚴裝關啓玄壇天帝神君當召此間土地里
 域真官正神急上關啓臣今奉為入齊意以
 今醮壇設醮願得

玉清道炁靈寶妙光下降流入臣等身中即
使玄壇清淨內外成真天無氛穢地無妖塵
琳琅振響十方瀟靜萬魔不干真誠上徹令
臣所啓速達徑御
太上元極大道至真玉皇上帝 御前

請稱法位

具位恭焚寶香上啓

火祖燧人帝君火祖炎帝帝君火正關伯真
官火神祝融神君火神回祿神君火炁鬱攸
神君丙丁位司火大神巳午位司火大帝南
方赤精帝君南方赤靈帝君五方天火地火
雷火電火風火火精神君五方禁火斷火制
火伏火火精神君五方火殃使者五方游火
飛火行火列火火殃使者五方主火大神與
雲行雨制伏火殃大神虛空消火制禦大神
天曹主火司火靈官火部判官火鈴大仙火
部巡察使者火令使者伏火藥先生禁火李
真人主火宋无忌神君皇聖大炎大赫神君
火司朝衛大神火部侍從承文主簿功曹典
吏火部賞善罰惡簿靈官諸司院府提疾火

輪風火龍騎烈炎將軍雷霆諸司擲火欬火
火車火鈴流火將軍火部佩弓箭駕火駝擊
火珠執旗戟御火兵捧印諸力士火部執戟
斧運火車火鴉火駝火鎗火蛇火輪諸靈官
城隍社令境邑典祀神祇廟貌殿堂有位香
火聖衆太歲尊神六十甲子諸官君司命六
神靈神聖衆火司防禦一切神明伏聞五劫
初分亦明煥炎精之象三靈既判南離司火
正之權散萬形而恢張無垠運一炁而彌羅
有截燎原赫赫翕張瑞藉於神功炎罔騰騰
作止宜由於聖力凡伸皈向敢叛主維今醮
官某人等經營一區卜築百堵乃傳聞於炎
曜翕霍飛行謂首似於火殃倏忽來往鄰鄰
震動里社驚惶苟躐次之未移恐旬浹之召
禍須憑懇禱方復康寧爰修淪祭之恭庸表
數心之敬伏望靈光燁燁梵炁迴旋乘雲御
風駕炎車而蒞止飛烟策電挾火焰以來臨
不遺萬一之私恪副再三之禱 臣下情不勝
殷切之至謹稽首皈誠奉請

請神

初獻

重稱法位

具位恭謹焚香上啓

火部帝君官吏一切真靈伏聞五行循環火
惟一而炎上六炁騰伏火列二以居中御夏
則質化司權配離則開明秉禮上闢天象燦
然經緯之錯居下職民生赫若陰陽之並用
欽惟神運實握靈機火令先驅走風雲於足
下火隊後從鼓霆電於目前炎炎而若有若
無灼灼而或高或下五方起滅來莫測而去
莫知十極升沉近或炎而遠或墜凡居部位
皆屬神明今醮官某某等屋宇比連室廡綿亘
偶火殃之過目值星變之驚心聲震山林勢
猶輪輻方隅駭汗恐變異之即與里閭傍徨
慮災殃之或至況此麟麟之萬瓦率多翼翼
之千家有舊有新無貴無賤儻蒙萌於瞬息
而禍起於須臾上化炎烟下餘灰燼雖發憤
而奚益縱慟哭以何裨是以燒香散花建齋
設醮冀救曩時之咎預期此日之安併列菲
忱庸陳葵志敢望監此懇愍微彼神靈收隊
從以移躔勸備禱而易次免為焦土實戴盟

金朱不勝虔切之至

亞獻

具位其上啓

火部帝君官吏一切真靈伏聞高在上建
玄曹而賞罰無違切切由中扣蒼穹而禍福
必應既齋壇之告備復懸幣之重陳結志同
誠已勤悃悃齋心錫福諒副忱忱伏願歷官
共等始自今時終至他日處處之門闌樂事
家家之院宇歡聲庭戶開祥啓處不罹於小
厄室家胥慶起居無撓於纖塵巨百世而舊
舍猶存閭千歲而弊履無恙天災雨散免焦
壩斷礎之虞人火冰清無曲突徙薪之慮從
老至幼由公及私均游宴於青春永爽猶於
白日里閭安泰并落康寧朝誦夜弦謁詩書
於桑梓冬裘夏葛守文憲於蓬茅蒙如其切
之祈式副皈依之悃不勝激切之至

終獻

具位其上啓

三清上聖十極高真玄壇內外一切真靈伏
聞情見乎辭媿數陳於照敬儀不及物復莫

獻之非菲尚希涵宥之恩曲賜生全之澤河
澄月淡恍夜漏之將中斗轉雲橫覺清宵之
已半無從攀戀惟劇瞻馳下情無任虔切
之至稽首再拜奉送

舉回輦頌

詣焚燎

饑聖

向來

靈寶領教濟度金書卷之二百五十五



靈寶領教濟度金書卷之二百五十六二百五十七
二百五十八

洞微高士開光啟苦真人審金具授

靈寶通玄秘教水南先生林靈真編

科儀玄成品場用道

早朝行道儀

燒香頌

各種師存念如法

衛靈呪

青陽虛映 曜日回靈 神虎輝邪 飛天流鈴

推杆滅試 萬慮東形 九微回道 八威攝精

千具拔錄 三元滂濟 左滿中黃 右策六丁

七轉八合 周旋天經 聖化龍龜 三道順行

慶雲流布 合景黃庭和輿道合具

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝闕啓玄壇天帝神君當居此間土地里

域真官正神急上關啓臣今奉為人書以今

清旦升壇行道願得玉清道炁靈寶妙光下